

MASINCIPHISE IZINGA ESISEBENZISA NGALO AMANZI

LUNGISA IIMPOMPO EZIVUZAYO


Amanzi avuzayo namanzi abaleka njee ngawona magongqongqo agqiba amanzi esizweni. Le ngxaki iya ngokuqatsela xa izinto ezivuzayo zingaqatshelwa namanzi ayekwa nje ampompoze emhlabeni engahoywanga ixesha elide. Yonke nje into evuza amanzi emzini wakho iluxanduva lwakho. Yonga amanzi wonge nemali yakho. Ngoko ke nazi iindlela zokukhangela izinto ezivuzayo amanzi kwakho, oku kuquka neendlela ongayilungisa ngayo le ngxaki.

UWABONA NJANI AMANZI AVUZAYO EMZINI WAKHO



CIMA YONKE INTO ESEBENZISA AMANZI KWAKHO

Vala zonke iimpompo zakwakho, ungagungxuli nasezindlwini zangasese.



QAPHELA UBHALE OKUBONAYO

Funda iimeter zamanzi owasebenzisayo, ubhale phantsi loo manani uwabonayo.



LINDA KANGANGEMIZUZU ELI-15 UBUYE UFUNDE IIMETER ZAMANZI KWAKHONA

Qinisekisa ukuba akukho mntu usebenzisa amanzi de ubuye ufunde iimeter zamanzi kwakhona emva kwemizuzu eli-15.



UKUBA NGABA UBONA UMAHLUKO KUMANANI AKHO, LOO NTO IYAXELA UKUBA IKHO LE NTO IVUZAYO KWAKHO, KWAYE YILUNGISE

Ukuba amanani akho enyukile, loo nto iyaxela ukuba ikho into evuzayo kwakho. Xa kunjalo ke, yenza ngokomyalelo kaMasipala.



TSALELA IIPLAMBA ZIKUNCEDE UTYWINE OKO KUVUZA

Ngaphandle kokuba unakho ukuyenza ngokwakho le nto.

ZINTATHU IINDLELA EZILULA ONOKUZILUNGISA NGAYO IZINDLU ZANGASESE EZIVUZAYO

Indlu yangasese evuzayo ilahla amanzi aphakathi kweelitire ezingama- 2 600 nama-13 000 ngenyanga. Oko kuxhomekeka nakwindlela avuza ngayo loo manzi. Iimpompo evuzayo ilahla amanzi aphakathi kweelitire ezingama-400 nama-2 600 ngenyanga.



Mamela amanzi abaleka ngaphakathi ethobhini lendlu yangasese.



Beka intwana yephepha apha ngasemva ethobhini. Ukuba eli phepha liba manzi, loo nto iyaxela ukuba ithobhi lakho liyavuza.



Tsitsa amathontsi omxube wokudaya ukutya ali-15 apha kwisitya sokugungxula. Ukuba emva kwemizuzu eli-15 loo manzi sele etshintshe umbala, loo nto iyaxela ukuba isitya sakho sokugungxula siyavuza.

Xa ungenakho ukutsalela iiplamba zize kulungisa oko kuvuzayo endlwini yakho, qinisekisa ukuba rhoqo ugungxula uyayivala itephu encinanana ephaya emazantsi endlu yakho yangasese.

NCEDA UFAKE INGXELO KWAMASIPALA NGEZINTO OZIBONA ZIVUZA ESITALATWENI SAKHO NAKWEZINYE IINDAWO ZASEKUHLENI.

IINDLELA EZIPHAMBILI ZOKONGA AMANZI



PHINDA USEBENZISE AMANZI ASEBENZILEYO KWENYE INTO

Sebenzisa amanzi obuhlamba ngawo, asuka koomatshini bokuhlamba iimpahla, nasuka kwezinye iindawo ezicocekileyo unkcenkceshele isitya sakho ngawo.



ZIHLOLE QHO IIMETER ZAMANZI

Izinto ezivuzayo zimosha into eninzi yamanzi ngemini.



SUKUHLALA KAKHULU ESHAWARENI

Beka ibhakethi eshawareni likhongozele amanzi ngelixa ushawara. Cima amanzi ngelixa uhlamba iinwele, okanye ngelixa usimela isepha emzimbeni.



HLAMBA NGAMANZI AMANCINCI

Amanzi ohlamba ngawo makabesezantsi kwisitya eso uhlambela kuso. Xa ushawara, chitha nje imizuzwana engama-90, umela uyivalavala iimpompo le lo gama usimela isepha.



SUKUSHIYA IIMPOMPO UNGAYIVALANGA

Vala iimpompo xa uhlamba izitya, xa uhlamba amazinyo okanye xa ucheba iindevu.



NGAMAXA OHLAMBA NGAWO IMPAPHA ENINZI EMATSHININI

Hlamba ngomatshini xa impahla ininzi.



FAKA INGXELO NGEZINTO EZIVUZAYO

Faka ingxelo kwamasipala ngezixhobo ezivuzayo ebumelwaneni bakho.



KHUTHAZA ABANTU UKUBA BONGE AMANZI

Khuthaza izihlobo nosapho ukuba baze nawabo amacebo okonga amanzi.



NCIPHISA IZINGA OSEBENZISA NGALO AMANZI

Faka iintloko zeshawara eziphuma kancinci amanzi okanye izilibazisi-manzi kuzo zonke iimpompo zakwakho.



UKONGA KWAKHO AMANZI MAKUNGAKWENZI UDE UGULE

Kubalulekile ukuba uhlambe izandla xa uphuma endlwini yangasese. Yivale iimpompo lo gama usimela izandla.

AMANANI OMAWUZIQHELANISE NAWO

Ilitre ezingama-50 : lo ngumlinganiselo wamanzi amele kusetyenziswa ngumntu ngamnye oseKapa ukusukela kumhla wo-1 kuFebruary ka2018.

I-41%: Eli liqaqobana labantu baseKapa abasebenzisa amanzi ngaphantsi komlinganiselo weelitire ezingama- 87 litres ngemini.

Yintoni onokuyenza nge- 50 litre ngemini



II-LITRE EZI-2 NGAMANZI OKUSELA



II-LITRE EZI-2 NGAMANZI OKUPHEKA



II-LITRE EZI-2 NGAMANZI ONOKUWASEBENZISA KWIMICIMBI YEZEMPILO



II-LITRE EZI-15 NGAMANZI ONOKUWASEBENZISA KWISHAWARA YEMIZUZWANA ENGAMA- 90



II-LITRE EZI-11 NGAMANZI OKUHLAMBA IZITYA NEMPAHLA



II-LITRE EZI-18 NGAMANZI OKUGUNGXULA KABINI

WATER IS LIFE - SANITATION IS DIGNITY

TOLL FREE: 0800 200 200 www.dws.gov.za



water & sanitation
Department:
Water and Sanitation
REPUBLIC OF SOUTH AFRICA



miss
earth
SOUTH AFRICA

